

# oops!

Das Infoblatt der JuBla Gelterkinden



[www.jublagelterkinden.ch](http://www.jublagelterkinden.ch)



---

# Impressum

<b>Herausgeber:</b>	Jungwacht & Blauring Gelterkinden
<b>Redaktion:</b>	Romana von Arx, Baumattweg 6, Gelterkinden Raja Breig, Bündtenweg 3, Gelterkinden Malin Breig, Bündtenweg 3, Gelterkinden
<b>Druck:</b>	Jobfactory Basel
<b>Erscheinungsdaten:</b>	Jeweils nach den Sommerferien und Weihnachtsferien
<b>Auflage:</b>	Normalerweise: 150 Stück Zu Werbezwecken: nach Bedarf
<b>Eingabeadresse:</b>	sina.bossert@hotmail.ch
<b>Inserate:</b>	Werben Sie mit JuBla Gelterkinden: Format A6, 2 Ausgaben für 200,- CHF, bei Fragen: jubla-gelterkinden@gmx.ch
<b>Vervielfältigung:</b>	Nachdruck einzelner Ausschnitte oder des Ganzen nur mit schriftlicher Genehmigung der Redaktion.
<b>Adressänderungen:</b>	Romana von Arx, Baumattweg 6, 4460 Gelterkinden romana.vonarx@eblcom.ch

**Titelbild:** Auf der Suche nach den Zutaten für den Bermuda-Zaubertrank

# Scharleitung

## Rück- und Usblick

Es isch scho wieder so witt...es witters, mega speziells, Jubla-Joor isch z End gange und s negste stoht aber au scho vor dr Tür. Grad für ois als neu und jungi Scharleitig het das ganze halbe Joor nomoll sehr spezielli Herusforderige mit sich brocht.

Plötzlich stelltme sich nümm d Froog, wie me überhaupt es Lager organisert und e Schar leitet, sondern wie machtme das ohni Kontakt und uf Distanz? Alles neu...d Unsicherheit isch dementsprechend gross gsi. Keini Höck meh, Gruppestunde und PfiLa wome muss absäge, Leiterkurs wo nit chönne bsuecht werde und e riise Alass (SoLa), wome bis 2 Wuche vorher gar nit weiss, öbs cha statfnde oder nit.

Aber mir hends gschaft, als LeitigsTEAM und es isch richtig, richtig guet worde! An dere Stell nomoll e riise Dank an oisi wunderbare Leiter wo sich immer wieder uf s neue engagiere und motiviere zum oise Kids immer wieder sone tolli Zitt chönne biete!

Dir sind dr Hammer, machet witter so!

Wie obe erwähnt: wenn es SoLa-Joor ufhört, foht au wieder es neus a und mir freue ois mega druff! Au das Joor wird, wie mir vermuete, wieder vo Unsicherheite prägt si. Dennoch wend mir wieder, unter dr Ihaltig vo allne Schutzkonzept wo uns vorgeh werde, Gruppestunde starte und d Planig vom negste SoLa und PfiLa in Agriff neh! Also an alli Kinder: chömmet in d Gruppestunde, es wird uuuhhh lässig und mir würde uns mega freue, ame e paar Kinder mehr chönne z begrüsse! Mehr zu dehne Gruppestunde werdet ihr no erfahre, versproche!

Was ebefalls es Highlight wird werde das Joor: oises neue 15er-Team! Mir hend paar jungi und motivierti Kandidatinne und Kandidate, wo sich dere Herusforderig wend ahne und oisi interni Leiterusbildig wend absolviere! Mir freue ois mega druff und hoffe, dass es euch glich goht!

So...aber jetz hemer dich lang gnueg ufhalte mit oise lleitigswort.

Das heisst jetzt: Ummeblättere, Oops lese und s wichtigste: alli Date sofort iischribe!


Mir gsehnd uns an dr Diashow!

Machs guet, blib gesund und bis bald!

Euchi Scharleitig: Sina, Ismi und Manu 😊

# Inhaltsverzeichnis

<b>IMPRESSUM</b> .....	<b>2</b>
<b>SCHARLEITUNG</b> .....	<b>3</b>
<b>INHALTSVERZEICHNIS</b> .....	<b>4</b>
<b>UNSERE SCHAR</b> .....	<b>5</b>
<b>LEITUNGSTEAM</b> .....	<b>6</b>
<b>ANNA</b> .....	<b>11</b>
<b>RÜCKBLICK</b> .....	<b>12</b>
SCHLITTSCHUHLAUFEN .....	12
"DER SCHLECHTE ÜBERFALL" .....	13
SOMMERLAGER.....	14
<b>AUSBlick</b> .....	<b>17</b>
15ER-TEAM .....	18
MINIGOLF .....	19
GRUPPENSTUNDE .....	20
DIASHOW .....	21
PAPIERSAMMLUNG .....	22
JUBLA-TURNIER.....	23
GRUPPENSTUNDE .....	24
WALDWEIHNACHTEN.....	25
<b>UNTERHALTUNG</b> .....	<b>26</b>
<b>WERBUNG</b> .....	<b>27</b>





# Unsere Schar

## Scharleitung

**Manuel Bösiger**, Tel. 078 708 94 94

**Sina Bossert**, Tel. 079 818 90 82

**Ismael Wiederkehr**, Tel. 078 972 55 83

## Leiter Scharanlässe

**Ilaria Manzetti**, Tel. 077 445 34 29

## 15er-Team


**Micha Wiederkehr**, Tel. 078 405 30 04

**Noah Rehmert**, Tel. 078 835 96 68

## Jugendheim

JuBla Gelterkinden, Brühlgasse 7, 4460 Gelterkinden,  
Mail: [jubla-gelterkinden@gmx.ch](mailto:jubla-gelterkinden@gmx.ch)

[facebook](#)



# Leitungsteam

Do mir das Johr im Summerlager zu eusere grosse Freud so villi neuvi Gsichter heit dörfe im Jubla begriesse, hei mir dänkt, es isch an der Zit, dass alli Chinder und vor allem au d' Eltere mol wieder e Überblick bechöme, wär do im Leitigsteam eigentlich alles so drbi isch.



**Sina Bossert**  
Scharleitung



**Ismael Wiederkehr**  
Scharleitung



**Manuel Bösiger**  
Scharleitung



**Micha Wiederkehr**  
Garage-Material, Elektro-Material, 15er-  
Teamleitung



**Manuel Kraft**  
Kasse



**Malin Breig**  
Gruppenleitung, Oops



**Elia Altorfer**  
Bastel-Material, Fotos



**Deborah Manzetti**  
Gruppenleitung





**Linus Christen**  
Homepage



**Ilaria Manzetti**  
Gruppenleitung, Fotos



**Sophia Güntert**  
Homepage



**Christian Freivogel**  
Garage-Material



**Raja Breig**

Gruppenleitung, Oops, Social Media



**Romana von Arx**

Oops, Social Media



**Jana Laube**

Entsorgung



**Timon Plüss**

Gruppenleiter





**Saskia Mangold**  
Bastel-Material



**Noah Rehmert**  
15er-Teamleitung, Entsorgung



**Angela Braun**



**Jonas Bösiger**  
Garage-Material, Elektro-Material, Social  
Media



# ANNA

## Tschüss liebi Anna!

Allne LeiterInne isch s Herz bizli schwer worde, wo sie erfahre hen, dassd Anna ihri zuekünftigi Ziiit nüm als Jublaleiterin wird verbringe. Sie isch e langjöhriigs Mitglied gsi, wahrschijnlijk sogar die wo scho am längschi im Jubla isch vom aktuelle Leitigsteam. Scho als ca. 9-jöhriige Goof het sie vill Abentüür und spannendi Lagermoment in dr Schar derfe erlebe. Ihri Lieblingsbeschäftigung ischs Tekke gsi, leider isches aber scho vorcho, dass sie eso tief gschlofe het, dass sie ihri Fründinne eifach nit hen chene wecke und im Land vo de Treum sih gloh hen. Au Drama und Stritereie mit ihrne Fründinne hen natürlich nit derfe fehle, wie au s Schwärme für die unterschiedlichste Jublabuebe, nit selte isch dr Anna ihre Name uf dr Päärliwand gstande.

Wo d Anna denn Leiterin worde isch, hen sich ihri ville Qualitäre chene zeige. Sie het e super Teamgeischt und isch immer mit offene Auge durs Huus oder übers Lagerglend gange, was natürlich öfters dezue gfiehet het, dass sie de andere Leitelinne s Material nochgruumt het. Au an der Hilfsbereichtschaft hets nit gfehlt und wens drum gange isch wichtigi Entscheidunge ztreffe, het me gmerkt, dass d Anna engagiert isch e Lösig zfinde und dasses ihri am Herze liegt, wie d Zuekunft vo dr Schar wird usgseh.

Obwohls nie e GLK oder e Scharleiterposchte geh het, würdi meine dassd Anna s Jubla stark im positive prägt und beriecheret het! Mir sin dankbar für dis ganze Engangement, löhn di goh mitme schwere Herz abr hoffe, dass du au in Zuekunft ab und zue emoll an Ahläss wirsch zgseh si!!



# Rückblick

## Schlittschuhlaufen

Das Jubla-Jahr 2020 begann wie so oft mit dem traditionellen Jubla-Schlittschuhlaufen.

Am frühen Nachmittag trafen wir uns am Bahnhof Gelterkinden und fuhren dann alle zusammen nach Basel zur St. Margarethen-Kunsteisbahn, wo wir ordentlich das Eisfeld unsicher machten.

Wie Weltmeisterinnen und Weltmeister cruisten wir über das Eis und nur selten sah man jemanden auf allen Vieren durch die Gegend schlittern.

Müde und erschöpft, aber voller Genugtuung und Euphorie kehrten wir gegen Abend schliesslich wieder nach Gelterkinden zurück.



## "Der schlechte Überfall"

Der letzte Scharanlass vor der langen Corona-Pause fand im Februar dieses Jahres statt und stand ganz unter dem Motto «Jubla-Kurzfilm». Bei der Ideensuche konnten die Kinder ihrer Kreativität freien Lauf lassen, und es dauerte nicht lange, bis die Geschichte stand.

In einer weiteren Phase durften sich alle ihren Rollen entsprechend verkleiden und schliesslich wurden die einzelnen Szenen aufgenommen, wo wir unser schauspielerisches Talent unter Beweis stellen konnten. Die Jublaner\*innen glänzten als Polizisten, Räuberinnen, Nachbarinnen und sogar als Steine, bis alle Szenen unseres hollywoodreifen Blockbusters «Der schlechte Überfall» im Kasten waren.

Den fertigen Film gibt's auf unserer Website [www.jublagelterkinden.ch](http://www.jublagelterkinden.ch) sowie auf Instagram unter @jublagelterkinden zu sehen.



# Sommerlager

Lange haben wir darum gebangt, ob das diesjährige Sommerlager dem Coronavirus zum Opfer fallen würde oder nicht, und schlussendlich wurde unsere Hoffnung belohnt: Am 27. Juni trafen wir uns um 9 Uhr morgens alle beim Jugendheim in Gelterkinden, wo uns auch schon unsere zwei Kapitäne für die kommenden zwei Wochen erwarteten: Christoph Kolumbus und Ameriga Vespucci!

Gemeinsam fuhren wir mit dem Car nach Sedrun, wo wir uns sofort auf die Suche nach unserem Schiff, der Santa Maria, begaben.

Für die Suche teilten wir uns in zwei Gruppen auf.

Die Älteren hatten ein wenig länger und fanden das Schiff erst am nächsten Tag, weshalb sie eine Nacht lang mitten im Wald in Firstzelten verbringen mussten. Als die ganze Schar schliesslich wieder vereint im Lagerschiff angekommen war, konnte die Matrosenausbildung und die Suche nach Indien beginnen. Das erste Ziel unserer Weltreise war Madagaskar. Dort mussten wir gegen die Zululu, eine Horde aufsässiger Eingeborener, in einer Burgenschlacht antreten, damit sie uns weitersegeln liessen. Zwei Tage später hielt unser Schiff in China, wo wir in einem Schmuggelgame die fiesen Zöllner austricksen mussten. Am Freitag kamen wir schliesslich in Hawaii an, wo das Schiff tanken musste.

Somit konnten wir uns einen Tag frei machen und tun und lassen, was wir wollten. Unser nächstes Reiseziel war ein unentdeckter Kontinent, den wir zuerst für Indien hielten. Dort schliefen wir für zwei Nächte in Zelten und bauten uns eigene Feuerstellen und Latrinen. Bei einem aufregenden Geländespiel traten wir schliesslich in drei Indianerstämmen gegeneinander an.

Am Dienstag in der zweiten Woche verirrten wir uns ins Bermuda-Dreieck, wo unser Leben für einen Tag lang auf den Kopf gestellt wurde.

In Kolumbien trieben wir Sport mit George und Jeannette und wurden anlässlich des «Tag der Toten» durch eine gruselige Geisterbahn gejagt. Erst am Ende der Woche kamen wir schliesslich in unserem lang ersehnten Ziel an – Indien.

Wir tauchten in die Welt des indischen Yoga ein und traten sogar im Völkerball gegen die heiligen indischen Kühe an.

Viel zu schnell war unsere Weltreise auch schon wieder vorbei und wir mussten uns von Kolumbus, Ameriga und dem tauben Joachim verabschieden.

Trotz Corona blicken wir zurück auf ein unvergessliches Sommerlager mit einer Menge aufregender und glücklicher Erlebnisse und Erinnerungen.











---

## Ausblick

- 15. August:** Minigolf
- 29. August:** Gruppenstunde
- 12. September:** Diashow
- 17. Oktober:** Papiersammlung
- 6. November:** Jubla-Turnier
- 28. November:** Gruppenstunde
- 12. Dezember:** Waldweihnachten

# 15er-Team

In dem Joor isch es wieder sowit. Mir döffe unseres neue 15er-Team ganz herzlich begrüesse. Hoffentlich siter alli motiviert und freut euch uf die tolli Zyt.

Ihr chönnet euch uf lehrlich und spassigi Öbe freue, wo mir vo Plache chnüpfe bis Gruppestunde plane alles lerne wärde.

Bitte schribet euch s Datum **12.08.2020 19:30** in euri Agenda, do mir uns an dem Obe s erste Mol traffe.

Mir freue uns mega uf die tolli Zyt mit euch.

Eures Jubla Gelti Leitigsteam



# Minigolf

S' dasjöhriige Jubla-Minigöf fle stoht au scho wieder vor dr Tür! Am **15. August** wärde mir eus am **10 vor 2** am Nomittag am Bahnhof Gälti traffe.

Mir wärde denn dr 13:59 Zug uf Prattele goh und dört in dr Ergolz-Minigolfalag echli go minigöf fle. Zrugg in Gälti simmer vorussichtlich am 17:53 Uhr.

Mitneh müsset dr nume es gültigs Zugticket uf Prattele, dr Ihtritt übernimmt s Jubla. Mäldet euch doch bitte so schnäll wie möglich ah-oder ab, sodass mir wüsse, wie vill öbbe chöme.

Bis denn! ;D



# Gruppenstunde

Hallo liebi Chinderinne und Chinder!



Am **19. Septämber** gits mol wieder e ganz klassischi Gruppestund!

Am 2 am Nomittag tröffemer eus bim Jugendheim, am 4i wird d Gruppestund fertig si.

Mitneh müsset dr usser wätterentsprächendi Chleider wo dörfe dräckig wärde eigentlich nume gueti Luune, und im beste Fall no irgendes Gspänli wome au no chönnt ins Jubla locke :D

Was mir genau wärde mache, verrote mir euch nonig, aber für die ganz Wunderfitzige gits do no e chline Hint wo euch uf die richtigi Spur chönnt bringe: Bis bald im ...

Mir freue eus uf euch :D



# Diashow

Hallo zemme...

Jetzt wird's bsunders interessant für alli wo das Joor im Sola gsi sind.  
Nämlich mache mir am **12. September** eusi alljörlichi Diashow!

Mir starte euse Rückblick wie jedes Joor mit nem Grill. Nehmet also öppis mit! Dr Grill und Grillmeister stelle mir zur Verfügung.

Nachm Esse foht denn au scho bald die lang ersehnte Diashow mit allne Highlights vom Lager. – Mir freue eus!

Wo: Jugendheim

enn: 12. September 2020, 17.30 Uhr



# Papiersammlung

Hallo zämme:)

Am **17.Oktober 2020** isch es wieder so wiit und die alljöhrlichi Papiersammlig vo der Jubla Gälterchinde stoht vor der Tür.

Vorussichtlich wird d Papiersammlig vo der Gmeind us chönne stattfinde. Natürlich luege mir au dört, dass mir d Corona-Schutzmassnahme chönne iihalte. Zum Händwäsche werde für eus d WC bim Züüghuus ufgmacht und für Situatione, wo mir der Abstand nit chönne iihalte, werde eus Schutzmaskene zur Verfügung gstellt. Mir freue eus, dass de Alass au das Joor cha stattfinde und hoffe, dass möglichst villi vo euch chömme cho helfe. Mir traffe eus am **10:00 (fürs 15er-Team 08:00)** Bim Züüghuus in Gälterchinde. Falls öpper erst spöter cha cho, cha me sich gern bi eus melde und denn isch das sicher au möglich.

Übere Mittag werde mir eh churzi Pause mache und im Pfarreisaal es feins Esse gniesse. Am 15:00 werde mir sicher fertig si. Der Schluss isch wieder bim Züüghusplatz, dört werdet dir vo eus au entloh.

Mir freue eus uff eh tolli Papiersammlig mit euch und hoffe, dass dir zahlriich erschiinet.

Euches Leitigsteam:)





# Jubla-Turnier

Dr Scharalass vom **6. Novämber** findet usnahmswiis nid amne Samstignomittag, sondern mol amne Fritigobe statt.

Mir wärde eus am 6i zobe bim Jugendheim traffe und denn gmeinsam ind Dreifachturnhalle go, wo es hoffentlich sehr epischs Jubla-Turnier stattfinde wird.

In Grüppli wärde mir in verschiedene Spielsportarte gegenander aträtte und eus in Sache Chraft, Gschicklichkeit und Teamgeist mitenander mässe. Dr Spass und d Bewegung stönde drbi natürlich wie immer im Vordergrund 😊

Mir freue eus uf möglichst villi Sportsfründinne und Sportsfründe wo an dem Alass werde drbi si!



# Gruppenstunde

Liebi Jublaner/inne

Am **28.11.2020** findet e Gruppestund statt.

Was mir mache isch e Überraschig.

Mir dräffe uns am 14:00 Uhr im Jugenheim. Schluss isch vorussichtlich am 17:00 Uhr. Mitneh müsset dir gueti Luune und wenn dir wänd dörfet dir natürlich au euches Gspänli ilade.

E chline Hiwies uf das, wö mir mache: Es wird e guete Duft verbreitet.

Mäldet euch doch no vor dr Gruppestund ah, damit mir wüsse, wie viel chömme.

# Waldweihnachten

Liebi Jublaner/inne

Mir hoffe, ihr händ euri Summerferie gnosse. Bi däm ganze Plantsche, Bade und Sünnele, schint dr Winter natürlich no sehr wyt ewäg.

Natürlig hän mir viel für's nächste Halbjahr plant und zerscht stönde jo au no viel anderi Aläss vor dr Tür, doch wie immer wird die Ziit wahrscheinlich im Flug vergoh und im näbeummeleuge hängt d' Wiehnachtsdekoration scho vor dr Tür. Au mir wän gärn die schöne Ziit mit euch geniess!

Wäge däm fiire mir am **12. Dezember** zämme Waldwiehnacht.

Träffpunkt bim **Jugendheim am 18:00 Uhr**.

Für unseri Planig bitte mir euch, euch ah- oder abzmälde.

Das isch **e super Glegeheit für alli Eltere, au mol vrbizluege – dir sit herzlich iglade!**


Was uns denn das Joor für es Wiehnachtswunder erwartet, wüsse mir selber jo au nonig. Am beste chömmet dir euch das gradach grad selber cho aluege!

Mir freue uns uf euch.

Euches Leitigsteam



# Unterhaltung



---

# Werbung